

IMAQARNILIAQ SAA- Sanarfinermut Avatangiisinullu Ataatsimiititaq 08-09-2017

Ulloq ataatsimiiffissaq Fredag 08. september 2017 kl. 14:00

Ataatsimiiffissaq Kommunalbestyrelsip ataatsimiittarfia

Indholdsfortegnelse

Saqqaa.....	3
Oqalusserisassat akuerineqarneri.....	4
Nalunaarutit.....	5
Ilisimatitsissutit.....	6
Aalajangiiffigisassat.....	7
Suliat Aningaasaqarnermut Inuussutissaqarnermut Kommunalbestyrelsimullu ingerlateqqitassat.....	8
Kommunimut pilersaarummut tapiliussap 1C6-1-ip, Paassaasivik, Nuuk, Nuup illoqarfiata ilaaniitt	9
Kommunimut pilersaarummut tapiliussaq 2C3-1, Talittarfiup saava inissiallu, Iggiata avannaatung	13
Nuup nutaamik pingaarnertut aaqqissuunneqarnissaanut siunnersuut.....	17
2018-imut missingersuutissatut siunnersuut – Sanarfinermut Avatangiisinullu Ataatsimiititap susass	22
Taasariaqartut.....	25
Oqaluuserisassat matoqqasut.....	26
Imaqarniliap akuerinera.....	27

IMMIKKOORTOQ 0: Saqqaa

Ilaasortat Malene Lyng (IA), siulittaasoq Harald Bianco (IA) Justus Hansen (D) Mala Høy-Kúko (A) Laura Taúnâjik (S)

Beslutning

Harald Bianco (IA), ilaasinnaanani nalunaarpoq sinniisualu aamma Rasmine Geisler (IA) peqataasinnaanani nalunaarpoq.

Videokonferencekkut ilaasut:

Justus Hansen (D), Mala Høy-Kúko (A) aamma Laura Taúnâjik (S)

IMMIKKOORTOQ 1: Oqalusserisassat akuerineqarneri

Beslutning

Oqaluuserisassat akuerineqarput.

IMMIKKOORTOQ 2: Nalunaarutit

<p>2A.Siulittaasumit</p> <p>2B. Ingerlatsivimmit</p> <p> </p>

Beslutning

2A. Siulittaasumit

- 1. august Ingerlatsivimmit Siorarsiorfik pillugu saqqummiisoqarpoq, tassani saqqummiisuullutik illunik titartaasartut. Taakkua saqqummiussaata Siorarsiorfik pillugu oqaluuserisassat ataanni saqqummeeqqissapput.

- Siulittaasup eqqaassutigeqqippaa Kommunalbestyrelsimi ataatsimiinnginnermi immikkut sammisaqarluni ataatsimiinnermi oqaatigineqartoq, atssa ilaasortat ataatsimiinnernut ilaasinnaangikkaangamik kingusinnerpaamik ullut marluk ataatsimiinnissaq sioqqullugu nalunaareertassat aammalu nalunaarnermi siulittaasoq aqutigineqartassasoq.

2B. Ingerlatsivimmiit

- Marlunnik nutaanik sulisoqalersimanera nalunaarutigineqarpoq.

IMMIKKOORTOQ 3: Ilisimatitsissutit

<p>Soqanngilaq</p>

IMMIKKOORTOQ 4: Aalajangiiffisassat

<p>Soqanngilaq</p>

IMMIKKOORTOQ 5: Suliat Aningaasaqarnermut Inuussutissaqarnermut Kommunalbestyrelsimullu ingerlateqqitassat

IMMIKKOORTOQ 05A: Kommunitut pilersaarummut tapiliussap 1C6-1-ip, Paassaasivik, Nuuk, Nuup illoqarfiata ilaaniittoq, inaarutaasumik akuersissutigineqarnera

Beslutning

Inassuteqaat akuerineqarpoq.

Ilanngussat

Bilag1_KAL_sagsfremstilling_endelig_vedtagelse1C6-1.pdf

Bilag2_KAL_sagsfremstilling_endelig_vedtagelse1C6-1.pdf

Bilag3_KAL_sagsfremstilling_endelig_vedtagelse1C6-1.pdf

Kommunimut pilersaarummut tapiliussap 1C6-1-ip, Paassaasivik, Nuuk, Nuup illoqarfiata ilaaniittoq, inaarutaasumik akuersissutigineqarnera

Aalajangiiffigisassaq

J.nr.: 16.03.01.01

Sanarfinermut Avatangiisinullu Ingerlatsivik - pisortaq Mike Jakob Kristiansen/MJKR

Suliassamik eqikkaaneq

Sanarfinermut Avatangiisinullu Ingerlatsiviup kommunimut pilersaarummut tapiliussaq 1C61-1, Paassaasivik, inaarutaasumik akuersissutigisassanngorlugu matumuuna saqqummiuppaa.

Siunnersuut naapertorlugu immikkoortumi nunaminertat atugassiissutigeriikkat aallaavigalugit, sanaartorfissat nutaat atuutilissapput. Taamaattoqarneratigit nunaminertanik piginnittuutit illunillu piginnittut pingasuniit tallimat tikillugit quleriilinnik inuussutissarsiornermut, kiffartuussinermut inissianullu atugassanik sanaartornissaannut periarfissiisoqassaaq. Aamma illuaraliortoqarnissaanut, cafeliornissamut sukisaarsaartarfittullu atugassamik sanaartornissamut, assersuutigalugu immikkoortumut attuumassuteqartumik sineriakkut pisuinnaat aqquataannik pilersitsinissamut periarfissiisoqassaaq.

Kommunimut pilersaarummut tapiliussassatut siunnersuut immikkoortumi suliaqareersuusut nunaminertanillu piginnittuutitaareersut angusaqarfiulluartussamik oqaloqatigiinnermik aallartiffioreersut suleqatigalugit suliarineqarpoq, siunissamilu periarfissaalersussat pillugit neriuunaateqartumik naatsorsuuteqartoqluni.

Pilersaarutip ataatsimoortereernerata kingorna immikkoortumi illoqarfiup ilaanik nutarsaanissaq pillugu kommunimut pilersaarummi aalajangersakkanut siunnersuut naapertuuppoq.

Inassuteqaat

Sanarfinermut Avatangiisinullu Ingerlatsivimmit Sanarfinermut Avatangiisinullu Ataatsimiititamut inassuteqaatigineqarpoq

- Sanarfinermut Avatangiisinullu Ataatsimiititap Kommunimut pilersaarummut tapiliussaq 1C6-1 Paassaasivik, Nuummiittoq pillugu inaarutaasumik akuersissutigisassaaq.
- Kommunimut pilersaarummut tapiliussaq akuersissutigineqartoq Sanarfinermut Avatangiisinullu Ataatsimiititamit Aningaasaqarnermut Inuussutissarsiornermullu Ataatsimiititamut akuersissutigisassanngorlugu ingerlatinneqassasoq.
- Aningaasaqarnermut Inuussutissarsiornermullu Ataatsimiititap tamatuma kingorna kommunimut pilersaarummut tapiliussaq akuersissutigisaaq inaarutaasumik akuersissutigisassanngorlugu Kommunalbestyrelsimut ingerlateqqinneqassasoq.

Suliassamik saqqummiussineq

Siunnersuummut uunga kommunimut pilersaarummut tapiliussaq immikkoortoq B-miit Paassaasivik (1B3 Nuukullak) nuunneqassaaq, inuussutissarsiuuteqarnermi immikkoortoq, immikkoortoq C, pilersaarusiornermut immikkoortumi sanaartorfissaqalernissaanik periarfissiisoqassaaq, taamaaliornikkut inuussutissarsiuuteqarnerit, pisiniarfiit, allaffeqarfiit kiisalu immikkoortup qeqqani najugaqarnissamut periarfissaqarfiit mingutsitsiffiunngitsut pilersinnissaannut periarfissaqalerluni. Inuussutissarsiuuteqarnermi atortut "oqimaannerit" ullumikkut immikkoortumiitinnegartut, inuussutissarsiuuteqarfiup suliarineqarneranut illoqarfiullu ilaani inuussutissarsiuuteqarfiit pilersinneqarnerinut pilersaarutigit ilaatinneqarput. Suliat pioreersut

taamaatsillugit ingerlatiinnarneqarnissaat erseqqissassallugu pingaaruteqarpoq pilersaarullu nutaaq naapertorlugu piffissap ingerlanerani periarfissanik nutaanik ammaassissaaq. Kommunitum pilersaarummut tapiliussassatut siunnersuut naapertorlugu, immikkoortumi nunaminertatut agguanneqareersut tunngavigalugit sanaartorfissatut suliarineqartuni pingasuniit tallimat tikillugit quleriilinnik sanaartortoqarnissaa periarfissaalissaaq. Pilersaarut naapertorlugu sanaartorfissat arlariit ataatsimoortinneqalersinnaapput sanaartornissamullu taamaalilluni nunaminertaq anginerusoq atorneqarsinnaalissaaq. Inissiat portussusaat Jagtvejimi illut portusuut eqqaanit quleriit tallimanit appariartussapput, immikkoortumilu quassukkap akornanni quleriit sisamat, taava kangerluup tungaanut quleriit pingasut. Sanaartorfiusussap ilusaatigut immikkoortup qeqqani atortuuteqarnissaa qulakkeerneqassaaq, tassa inip nalaani inissianilu quleriinni. Illuliat illuliortaatsimik silataasalu suliarineqarnerisigut, illoqarfiup ilaatut sanaartorneqarnissaat pingaartinneqassaaq taamaalilluni illoqarfiup ilaani misigisaqarfiulluurtussatut ingerlaarfigineqarnissaa siunertarinqassalluni.

Aaqqiissutissatut siunnersuut – suliatigut naliliineq

Sanarfinermut Avatangiisinullu Ingerlatsivimmit naliliineq naapertorlugu, Paassaasiviup illoqarfiup ilaatut inissiaqarfittullu illoqarfiup qeqqanut qanittuusumi tamatigoortumik pilersinneqarnissaa periarfissatsialaasoq. Sanaartorfissat atorneqarnissaat eqqarsaatigalugit pilersaarummi eqaatsuunissaq ilanngunneqarsimasooq pitsaasuuvoq, taamaammat illunik piginnittut nunaminertanillu atukkerneqarsimasut immikkoortumi inerisaasinnaangorlutik.

Illoqarfiup ilaani illut qanoq misigisassarsiorfigineqarsinnaanersut pillugit pitsaassusiuvoq. Pingaartumik init allit illoqarfiup qeqqatut atorneqarnissaa pingaartinneqarpoq, kiisalu illut illuliortaatsikkut illoqarfiup ilaanik uummaarissisitsissapput nuannersumillu aqusaartorfiusassalluni. Aammattaaq nutaamik illuliornikkut illoqarfimmi eqikkaanermik suliaqartoqarnera, taamaalilluni aamma nunap ilusaanut nunataanullu naleqqupput, kiisalu illoqarfiup ilaanut attuumassuteqartumik sinerissamullu qanittumik sukisaarsarfittaqarnissaanut periarfissaqassalluni.

Aningaasaqarnikkut sulisoqarnikkullu naliliinerit

Kommunitum pilersaarummut tapiliussamik suliaqarneq aningaasaqarnikkut kinguneqassanngilaq.

Inatsisitigut tunngavissaq allakkallu tunngaviusumik uppernarsaatitalit

Pilersaarusionerq aamma nunaminertat atorneqartarnerat pillugu Inatsisartut inatsisaanni nr. 17, 17 november 2010-meersoq & Inatsisartut inatsisaatigut nr. 34, 9. december 2015-imeersoq & Kommunitum pilersaarut www.sermersooq2028.gl

Ingerlariaqqinnissaq

Kommunitum pilersaarummut tapiliussaq Sanarfinermut Avatangiisinullu Ataatsimiititamiit akuersissutigineqareerpat Aningaasaqarnermut Inuussutissarsiornermullu Ataatsimiititamiit kingornalu Kommunalbestyrelsimut akuersissutigisassanngorlugu ingerlateqqinneqassasoq. Kommunitum pilersaarummut tapiliussaq akuersissutigisaaq kommunip nittartagaanut, Nuuk Ugeavisimut aammalu og www.sermersooq2028.gl -imut tamanut nalunaarutigineqassaaq. Tamatuma saniatigut ingerlatsiviup pilersaarut akuerisaaq oqartussanut attuumassuteqartunut nassiutissavaa, Namminersorlutik Oqartussat nassiussivissatut allattorsimaffia innersuussutigalugu.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit qulaani suliamik saqqummiussinerit innersuussutigai erseqqissaatigalugulu suliaq kommunip illoqarfik pillugu periusissiorneranut naapertuuttuusooq.

Innuttaasunik peqataatitsineq/attaveqaqatigiinneq

Kommunimut pilersaarummut tapiliussatut siunnersuut piffissami juunip 20-ianit - aggustip 15-iannut 2017 tamanut tusarniutigineqarpoq, tusarniaanerullu ingerlanerani akerliliissutit marluk tiguneqarput. Ingerlatsiviup suliamik suliaqarnera ilanngussami 1-mi atuarneqarsinnaavoq. Tusarniaanerullu kingorna kommunimut pilersaarummut tapiliussamut annikitsunik allannguisoqarsimavoq.

Kommunimut pilersaarummut tapiliussassatut siunnersuutip suliarineqarneranut atatillugu, 12. januaari 2017-imi illoqarfimmik inerisaanermut immikkoortortaq workshoppertitsivoq, tassanilu soqutiginnittut 25-t missaanniittut takkuppet, aamma nunaminertanik atugassinneqarsimasut immikkoortullu ilaani illunik piginnittut aggersarneqarsimallutik. Aamma workshoppernermit soqutigisaqaqatigiit suleqatigiissitaliortinneqarput taakkulu kingorna ataatsimeeqatigineqarlutik. Ataatsimiinnerni taakkunani marlunni, pilersaarutissatut siunnersuutip tunngavia illoqarfimmik inerisaanermut immikkoortortamit saqqummiunneqarpoq sanaartugassatullu periarfissat siunnersuutissatut oqallisigineqarlutik, taakkulu pitsaasumik qisuariarfigineqarput.

Ingerlatsivinniit allaniit oqaaseqaatigineqartut

Ingerlatsivinnit allanit oqaaseqaatqartitsisoqanngilaq.

Ilanngussat

1. Tusarniaanermut akissutit ingerlatsivimmit suliarineqarnerat.
2. Tusarniaanermut akissutit
3. Kommunimut pilersaarummut tapiliussaq 1C6-1, Paassaasivik

IMMIKKOORTOQ 05B: Kommunitut pilersaarummut tapiliusseq 2C3-1, Talittarfiup saava inissiallu, Iggiata avannaatungaa, Nuussuaq inaarutaasumik akuersissut

Beslutning

Inassuteqaat akuerineqarpoq.

Ilanngussat

Bilag1_KAL_sagsfremstilling_endelig_vedtagelse2C3-1.pdf

Bilag2_KAL_sagsfremstilling_endelig_vedtagelse2C3-1.pdf

Bilag3_KAL_sagsfremstilling_endelig_vedtagelse2C3-1.pdf

Kommunimut pilersaarummut tapiliusseq 2C3-1, Talittarfiup saava inissiallu, Iggiata avannaatungaa, Nuussuaq inaarutaasumik akuersissut

Pilersaarusiorneq pillugu inatsit nutaaq naapertorlugu pilersaarutissatut qinnuteqaat tunngavigalugu siunnersuutigineqartoq

Aalajangiiffissaq

J.nr: 16.03.01.01

Sanarfinermut Avatangiisinullu Ingerlatsivik - pisortaq Mike Jakob Kristiansen /MJKR

Suliassamik eqikkaaneq

Sanarfinermut Avatangiisinullu Ingerlatsivimmit Kommunimut pilersaarummut tapiliusseq 2C3-1 Talittarfiup saava inissiallu, Iggiata avannaatungaani, Nuussuaq matumuuna saqqummiunneqarpoq.

Kommunimut pilersaarummut tapiliussassaq Nuussuarmi Inissiat, Talittarfiup saava atortorissaarutillu pilersaarutitut qinnutigineqarneri pilersaarusiorneq pillugu inatsisissatut allannguut 01/01-2016-imeersoq naapertorlugu 14/06-2016-imi kommunalbestyrelsimit akuersissutigineqartoq tunngavigalugit suliarineqarpoq.

Kommunimut pilersaarummut tapiliussami sissaq sinerlugu aqquiliornikkut asiartarfiornikkullu illoqarfimmi innuttaasut iluaqutaasumik pilersitsisoqassaaq. Inissiat quleriiaat assigiinngitsunik annertussusillit piginnittuuffigineqarsinnaasullu 80-it tungaanut amerlassusillit sanaartorneqarsinnaalissapput. Ukioqatigiinngitsunut meeqqerivinnik/sammisassaqaqtitsivissatut illunik/cafenik sanaartornissaq, kiisalu naluttarfimmut Malimmut alliliinissamut periarfissaqalersitsineq.

Kommunimut pilersaarummut tapiliussap sumiiffiup Nuussuarmiittup immamik avatangiiseqartup uummaarissiseqqinnissaa kommunip takorluugaannut naapertuuppoq.

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiittamut inassuteqaatigaa:

- Sanarfinermut Avatangiisinullu Ataatsimiittap Kommunimut pilersaarummut tapiliusseq 1C6-1 Paassaasivik, Nuummiittoq pillugu inaarutaasumik akuerissasoq.
- Kommunimut pilersaarummut tapiliusseq Sanarfinermut Avatangiisinullu Ataatsimiittamut akuerineqartoq, Aningaasaqarnermut Inuussutissarsiornermullu Ataatsimiittamut akuerisassanngorlugu ingerlatinneqassasoq,
- Aningaasaqarnermut Inuussutissarsiornermullu Ataatsimiittap tamatuma kingorna kommunimut pilersaarummut tapiliusseq akuerisaq inaarutaasumik akuerisassanngorlugu Kommunalbestyrelsimut ingerlateqqinneqassasoq.

Suliassamik saqqummiussineq

Kommunalbestyrelsip oktobarip sisamaani 2016-imi sap.ak. arfineq-pingasuni tusarniaassutigineqareersorlu ataatsimiinnermini Nuussuarmi Inissiat, Talittarfiup saava Atortorissaarutillu, Nuuk, pilersaarut inaarutaasumik akuersissutigaa. Taamaalilluni pilersaarummut qinnuteqartumut ukiunut marlunnut nunaminertamik inniminniisoqarpoq, piffissamilu tamatumani immikkoortumut kommunimut pilersaarummut tapiliussaliortoqassalluni. Kommunimut

pilersaarummut tapiliusseq una 2C3-1 pilersaarutip Kommunalbestyrelsimit inaarutaasumik akuersissutigineqarnera tunngavigalugu suliarineqarpoq.

Kommunimut pilersaarummut tapiliusseq naapertorlugu immikkoortoq, immikkoortoq D-mit sukisaarsartarfittut angisuutut atorineqartussamit immikkoortoq C-mut nuunneqassaaq, taamaalilluni namminersorluni inuussutissarsiuteqarfinnik, kiffartuussilluni suliffeqarfeqarfiliornissamut inissialiornissamullu periarfissaqalissalluni.

Immikkoortoq tamarmi sissaq sinerlugu aqqutikkut talittarfiullu saavanit ataqatigiisinnegassaaq, sukisaarsartarfittullu inerisarneqassalluni, illoqarfiullu innuttaanut assigiinngitsutigut sumiiffimmi periarfissanik pilersitsiviunissamik takutitsissalluni. Sissaq sinerlugu aqqut assigiinngitsunik atortoqartinneqassaaq ataatsimut sukisaarsartarfiit pilersinneqarlutik, matumani umiatsianut quit, tummeqqat imaanut atasut, umiatsiat aqqarnissaannut amutsivik, kiisalu sammisassaqaqtitsinernut, pinnguartarfinnut sukisaarsarnernilu atortut. Sineriakktut pisuinnarnut aqquteqalerneratigut atortut pioreersut nutaallu ataqatigiilissapput eqqaanilu illoqarfiup immikkoortuisa akornanni ataqatigiilerneq piulissalluni.

Kommunimut pilersaarummut tapiliussami inissiat 80-it sanaartorfinnut sisamanut agguataakkat sanaartorneqarnissaannut periarfissaalissaaq, taakkulu quleriit arfinillit tikillugit portussuseqarsinnaapput, inissiallu angissusaat piginnittuulu assigiinngitsuusinnaallutik. Aammattaaq sanaartorfissamik ataatsimik ilasisoqarpoq, tassanilu meeraaqqerivimmik meeqqeriviutigisumik/sammisassaqaqtitsivimmik/cafémik sanaartortoqarnissaa periarfissaassaaq kiisalu naluttarfiup Maliup allilerneqarnissaanut periarfissat ammaanegarnissaannut nunaminertamik ilasisoqarluni.

Aaqqiissutissatut siunnersuut – suliatigut naliliineq

Sanarfinermut Avatangiisinullu Ingerlatsivimmit pilersaarutip immikkoortup illoqarfittut alliarternata killeqarfianut nukittorsarneqarnissaa inuillu ataatsimoortarfissaattut pilersitsiviunissaa nalilerneqarpoq.

Illoqarfiup immikkoortuatut inerisarlugu sanaartorfiunissaa pitsaasuvoq. Sissaq sinerlugu aqqut siunnersutigineqartoq pilerinartut sukisaarsartarfittut ippoq, immikkoortumilu atortut pioreersut nutaalu ataatsimoortinneqalersutut illutik, taamaammat illoqarfiup immikkoortuata uummarinnissaatalu kommunip illuliortaatsimut politikiani anguniarneqartunut naapertuulluarpoq. Aammattaaq sissaq sinerlugu aqqutaat naluttarfiup Maliup eqqaani umiatsianut talittarfimmut atassuteqalissaaq.

Sanarfinermut Avatangiisinullu Ingerlatsiviup naliliinera naapertorlugu, inissialiornikkut inissiat pitsaasut tunngavissarissaalissasut tamannalu inissialiornissamut pisortallu siunertaannut sanaartornissanut sanaartorfissatsialaavoq, ilaatigut sanaartukkat sineriakkullu pisuinnaat aqqutaasa/talittarfiup saavata akornanni killeqarfeqassalluni. Taamaasillunilu illoqarfimmi avatangiisinut ineriartortitseqataasalluni.

Aningaasaqarnikkut sulisoqarnikkullu naliliinerit

Kommunimut pilersaarummut tapiliussamik suliaqarneq aningaasaqarnikkut kinguneqassanngilaq.

Inatsisitigut tunngavissaq allakkallu tunngaviusumik uppersaatitalit

- Pilersaarusiorneq aamma nunaminertat atorineqartarneri pillugit Inatsisartut inatsisaat nr. 17, 17. november 2010-imeersoq (Pilersaarusiornermut inatsit).
- Pilersaarusiorneq aamma nunaminertat atorineqartarneri pillugit Inatsisartut inatsisaata allangortinneqarneranik Inatsisartut inatsisaat nr. 34, 9. december 2015, Nuna tamakkerlugu pilersaarusiornermut nalunaarusiaq, nunaminertanik inniminniisarneq,

atuisinnaanermut killigittamik sivitsuisinnaanermut periarfissaq, utaqqisunik allattorsimaffiup saqqummiunneqarnissaa, pilersaarusionermut- nunaminertamillu atuisinnaanermut atatillugu naammagittaalliortarfiup allallu atorunnaarsinneqarnissaa il.il.

- Kommunimut pilersaarut digitaliusoq www.sermersooq2028.gl

Ingerlariaqqinnissaq

Kommunimut pilersaarummut tapiliussaq Sanarfinermut Avatangiisinullu Ataatsimiititamit akuersissutigineqareerpat Aningaasaqarnermut Inuussutissarsiornermullu Ataatsimiititamut kingornalu Kommunalbestyrelsimut akuersissutigisassanngorlugu ingerlateqqinneqassasoq. Kommunimut pilersaarummut tapiliussaaq akuersissutigineqarsimasoq kommunip nittartagaanni tamanut saqqummiunneqassaaq, Nuuk Ugeavisimi aamma www.sermersooq2028.gl Tamatuma saniatigut ingerlatsiviup pilersaarut akuerisaq oqartussanut attuumassuteqartunut nassiutissavaa, Namminersorlutik Oqartussat nassiussivissatut allattorsimaffia innersuussutigalugu.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmiit suliamut saqqummiussami pineqartut akuerineqarnissaat innersuussutigai erseqqissarlugu suliaq kommunip illoqarfiup ineriartortinnissaanut periusissatut aalajangiussaanut naappertuuttoq.

Innuttaasunik peqataatitsineq/attaveqaqatigiinneq

Kommunimut pilersaarummut tapiliussamut siunnersuut piffissami 20.06.2017 – 15.08.2017 tusarniaassutigineqarsimavoq, tusarniaanermilu piffissaliussap iluani akissutit 1 pissarsiarineqarsimapput

Ingerlatsiviup suliamik suliaqarnera ilanngussami 1-mi atuarneqarsinnaavoq. Tusarniaanerullu kingorna kommunimut pilersaarummut tapiliussamut annikitsunik allannguisoqarsimavoq.

Ingerlatsivinniit allaniit oqaaseqaatigineqartut

Ingerlatsivinnit allanit oqaaseqaateqartitsisoqanngilaq.

Ilanngussat

1. Tusarniaanermut akissutit suliarineqarnerat.
2. Tusarniaanermut akissutit
3. Kommunimut pilersaarut 2C3-1, Talittarfiup saava inissiallu, Iggiaata avannaatungaa

IMMIKKOORTOQ 05C: Nuup nutaamik pingaarnertut aaqqissuunneqarnissaanut siunnersuut

Beslutning

Inassuteqaat akuerineqarpoq.

Ilanngussat

Bilag 1_kal.pdf

Nuup nutaamik pingaarnertut aaqqissuunneqarnissaanut siunnersuut

'Nuuk City Development (NCD) piviusunngortinnissaanut nunaminertanut pilersaarusiorneqarnera

Aalajangiiffigisassaq

J.nr.: 16.03.01.01-P15-1-17

Sanarfinermut Avatangiisinullu Ingerlatsivik – pisortaq Mike Jakob Kristiansen /MJKR

Suliassamik eqikkaaneq

Kommuneqarfik Sermersuumi Illoqarfiit pingaarnersaannut periusissami anguniakkat piviusunngortinniarlugit, Nuuk nutaamik pingaarnertut aaqqissuunneqarnissaanut siunnersuut tassaavoq pilersaarusiornep piviusunngortinneqarnissaanut sakkussaq.

Pilersaarusiornermi teknikkikkut allannguutaavoq kommunimut pilersaarummi Nuuk pingaarnertut ilusilerneru kommunimut pilersaarutini 37-inik siunnersuutitaqartut, Siorarsiorfimmu pingaarnertut pilersaarut naapertorlugu sularineqartut. Suliassaqarfiit tamarmik kommunimi ineriartortitsinermut ingerlatseqatigiiffimmu NCD Nuuk City Developmentimut suliakkiissutigineqassapput, taassumalu ilaatigut kommunip illussanik titartaasarneq pillugu politikkaa ilusilersuinermilu najoqqutassiissutit naapertorlugit ineriartortitseqqinnissat ingerlateqqissallugit.

Inassuteqaat/Inassuteqaatit

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- Nuuk Nutaamik Pingaarnertut Aaqqissuunneqarnissaanut Siunnersuut akuersissutigineqassasoq
- Siunnersuut Sanarfinermut Avatangiisinullu Ataatsimiititamit akuersissutigisaaq, Aningaasaqarnermut Inuussutissarsiornermullu Ataatsimiititamut akuerisassanngorlugu ingerlatinneqassasoq
- Tamanna pereerpat Aningaasaqarnermut Inuussutissarsiornermullu Ataatsimiititap suliaq Kommunalbestyrelsimut ingerlateqqissagaa sapaatip-akunnerini arfineq-pingasuni tamanut tusarniaassutigineqarnissaa siunertaralugu

Suliassamik saqqummiussineq

Tunuliaqutaa

Nuuk City Development Project (NCD) sularineqarpoq Nuup Issittumi illoqarfittut pingaarnersatut siuarsarnissaa tunngavigalugu, aammalu inissialiornissamut, atuarfiliornissamut, atuarfinnut attuumassutilinnik sunngiffimmi sammisasaqartitsinernik sanaartornissanut meeqqerivinnik meeraaqqeriviutigisunik sanaartornissanut illoqarfimmi amigaataaqisunik sanaartornissamut aqqutissiuussilluassalluni.

Illoqarfimmi innuttaasut amerlassusaat maannakkut 18.000-nit ikinnerulaarput, taakkulu akornanni inuppassuaqarpoq inissiani pissusissamisunngitsuni ullutsinnullu naleqqutinngitsuni najugalinnik. Illoqarfimmu ukiut tamaasa maanna nuuttartut 200-t aamma 300-t akornaniimmata, meeqqerivinni inissat ikiliartorput, maannalu illoqarfimmi meeqqat paaqqutarineqartarnissaannut atuarfimmilu periarfissaqartinneqarnissaannut qulakkeerinninniarnep ajornartorsiutaangaatsialereerpoq. Kommunalbestyrelsimu ilaasortat tamarmiusut isumaqatigiinnermikkut 2016-imi upernaakkut Illoqarfiit pingaarnersaat pillugu periusissiap anguniagaqarfiulluartup takorluugaqarfiulluartullu akuersissutigineqarneranit, 2016-imi oktobarip qaammataani NCD-mu pilersaarutip aallartisarnissaa akuersissutigineqarpoq, 2016-imi novembarimi Missingersuutit 2017-2020

akuersissutigineqarpoq, 2016-imi decembarimi pilersaarut pillugu politikikkut allaffissornikkullu aqutsisooqatigiit akuersissutigineqarput, illoqarfiup inerisarneqarnissaanut pilersaarut illoqarfiullu inerisarneqarnissaanut piginneqatigiiffiup kommunip pigisaata pilersinneqarnissaa 2017-imi januaarimi februaarimilu akuersissutigineqarpoq, kiisalu 2017-imi februaarimi illoqarfiup inerisarneqarnissaanut pilersaarutip tamanut saqqummiunneqarnerani uppernarseqqinneqarpoq, NCD-mut pilersaarut pitsaasumik ineriartortoqassappat pisariaqarluinnartoq.

Tunngaviusumik najoqqutassaq

Nuuk City Development projekt piviusunngortinniarlugu Nuuk pingaartut aaqqissuunneqarnera kommunimut pilersaarummi sersersooq2028.gl-imi nutarterneqarnissaa pisariaqarpoq, pisariaqartumillu kommunimut pilersaarummut tapiliussamik suliaqartoqarluni.

Kommunimut pilersaarutip pingaarnertut ilusaani ineriartortitsinissamut nunaminertanillu atuinnissamut pingaarnertut anguniakkat ersiutaapput, aammalu kommunalbestyrelsip soqutiginnittunik misissuisitsineranut naapertuulluni.

Nuuk pillugu ilusissaq pingaarneq tatituumik imminullu akilersinnaasumik illoqarfimmik ineriartortitsinissamut tunngassuteqarpoq. Kommunimut pilersaarut Sersersooq2028 aqutugalugu sammisat nalinginnaasut pingaarnerit arfinillit pingaarnerutinneqarput aamma ilaatigut Qinnqutsinnik, sissaq sinerlugu aqqummik, illoqarfimmi akulikinnerusumik sanaartornissaq kiisalu attaveqaatit aamma illoqarfimmi qitiusoqarfittut atuuffiit katillutik immikkut isiginiarneqartut arfineq-pingasusut qitiutinneqarput.

Nuuk pingaarnertut ilusaata nutarterneranut pilersaarutaavoq, pilersaarutip Nuuk City Developmentip ineriartortinneqarnissaata timitalerneqarnissaa, taamaasillunilu illoqarfiup nutaartassaa Siorarsiorfik qulakkiissallugu. Illoqarfiup ilaani Nuuk, Nuussuaq aamma Qinnqorput meeqqeriviliorfineqartussatut pilersaaruteqarfigineqarput. Tamakku saniatigut Qinnqutta illoqarfiullu nutaartassaata Siorarsiorfiup allisaqqinnissaat pilersaarutigineqarpoq illoqarfiup qiterisaqarfianik nutaamik najukkamilu qiterisaqarfimmik, aammalu attaveqaatit annertusarneqassapput illoqarfiup nutaartaanut aqquteqartitsiniarluni.

Nuummut maannakkut amerlasuut nuuttarnerat kisimi taamaaginnassanganneqanngilaq, umiarsualivimmulli mittarfimmullu aningaasaliisoqarneratigut, ullutsinnut naleqquttunik nutaanik inissialortiternikkut, ilaqutariit meerartaannut paaqqinniffissanik qulakkeerinninnikkut inuussutissarsiornikkullu ineriartortitsisoqarneratigut Nunatsinnit avammut noorartut pakkersimaarnissaannut innuttaasullu Nunatsinniiginnarnissaannut iluaqutaassapput. Naatsorsuutigineqarpoq, attaveqaatinut tunngasutigut pitsanngorsaasoqassasoq arlalitsigullu inuussutissarsiornikkut pilersitsiortortoqassasoq, ilaatigut umiarsualivimmut attuumassuteqartunik arlalinnik soorlu aalisakkerivinnik, qerititsivissuarnik nassiussalerinermut tunngasunik suliffeqarfiliornikkut. kiisalu avammut tuniniaasunik nutaanik suliffeqarfiliorneq Nuummi innuttaasut amerliartornissaannut ilasaataassaaq, taamaalillunilu ullutsinnut naleqqunnerusunik inissialortitertariaqarnissamut pisortat sullissineranni aningaasaliissuteqarnerunissamut pissutissiissalluni.

Aaqqiissutissatut siunnersuut – suliatigut naliliineq

Sanarfinermut Avatangiisinullu Ingerlatsiviup nalilerpaa Nuuk Pingaarnertut aaqqiissuunneqarnera pillugu kommunimut pilersaarutitut allanngortinneqarneratigut, kommunimut pilersaarummut tapiliussaq ilanngullugu, Illoqarfiit Pingaarnersaannut Periusissami anguniakkanik NCD-millu piviusunngortitsinissamut pitsaasuusoq.

Erseqqissumik oqaatigalugu pilersaarummut ilaatinneqarput pingaarnertut ilutsip Nuummilu immikkoortuni 37-ini aalajangersakkat allaaserineqarnissaat, imaappoq kommunimut pilersaarutitik 37-inik suliaqarnissaq. Ilaatigut immikkoortut kommunimi pilersaarutigineqartut pioreersut atorneqarnissaasa allanngortinneqarnissaannik, aammalu immikkoortunik nutaanik pilersitsisoqarnissaa pineqarpoq - pingaartumik qitiusoqarfinnik inissiaqarfinnillu - kisianni pineqartumi matumani aamma inuussutissarsiuteqarfiit umiarsualiveqarfiillu pineqarput.

Immikkoortut ilaat 37-t tamakkerlugit kommunimut pilersaarummut tapiliussami sumiiffiit atuuffissaat, sanaartorfissatut periarfissat, sinneruttut angallanermullu tunngasut aalajangersaaffigineqarput. Immikkoortut ilaanni, immikkuualuttunik aalajangersaaffigineqartuni, tapiliussami immikkoortup sumut atorneqarnissaa illuliassallu qanoq ittuunissaat aamma aalajangersaaffigineqarpoq, kiisalu sanaartorfiusussaannigitsut silamilu aneerfissat aalajangersaaffigineqarlutik. Sumiiffiit qanoq ittuunissaat illuliallu qanoq ittuunissaat kommunip illuliortaatsimut politikianut najoqqutassiaanullu tulluussagaassapput, taamaasilluni sanaartorneqartuni pitsaassuseq kommunimit qulakkeerneqassammat.

Immikkoortut ilaat tamarmik NCD-mut atugassanngortinneqarput, aammalu pilersaarusiornermut inatsimmi § 38 imm 3 naapertorlugu atorneqanngitsutut tamanut nalunaarutigineqassanatik.

Pilersaarusiaq timitamigut annertoorejussuuvoq, kisialli kommunip nittartagaani kommunimut pilersaarut sermersooq2028.gl-ikkut pilersaarut tusarniaassutigineqareerpat inaarutaasumillu akuersissutigineqareerpat, illoqarfiup aaqqiissuussaanageratut pingaarnertut takutinneqassaaq, kommunimut pilersaarummut tapiliussat 37 immikkut takuneqarsinnaalissallutik, taakkununnga pingaarnertut immikkuualuttunullu aalajangersakkat ilanngullugit.

Aningaasatigut sulisoqarnikkullu naliliinerit

Pilersaarutip suliarinera kommunimut pilersaarusiornerep ilagivaa, aningaasatigut immikkut kinguneqarnikuunngitsut.

Inatsisitigut tunngavissaq allakkallu tunngaviusumik uppernarsaatitallit

Pilersaarusiorneq aamma nunaminertat atorneqartarneri pillugit Inatsisartut inatsisaat nr. 17, 17. november 2010-imeersoq aamma Inatsisartut inatsisaat nr. 34 9. decemberi 2015-imeersoq

Ingerlariaqqinnissaq

Pilersaarummut siunnersuut akuersissutigineqassappat, sapaatip-akunnerini arfineq-pingasuni tusarniaassutigineqassaaq. Tusarniaasoqareerpat Sanarfinermut Avatangiisinullu Ingerlatsivik tusarniaanermut akissuteqaateqartoqassappat akissuteqaasiussaaq, taamaalereerpallu politikikkut inaarutaasumik akuersissutigineqassalluni.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfiup suliaq pingaarutilerujussuartut isigaa NCD-llu piviusunngortinnissaanut atatillugu pisariaqarluinnartutut nalilerlugu.

Innuttaasunik peqataatsineq/attaveqaqatigiinneq

Piffissami tusarniaaffiusumi Sanarfinermut Avatangiisinullu Ingerlatsivik pilersaarut NCD-lu pillugit ingerlariaqqinnissamullu kommunip takorluugai pillugit paasisutissiilluni ataatsimiititsisassaaq. Taamaasilluni innuttaasut pilersaarummut oqaaseqarnissaminnut aamma/imaluunniit siunnerfilimmik isorinninnissaminnut piareersimatinneqassapput.

Ingerlatsivinniit allaniit oqaaseqaatigineqartut

Ingerlatsivinnit allanik oqaaseqaatqartitsisoqanngilaq

Ilanngussaq/Ilanngussat

1. Siunnersuut, Illoqarfiup aqqissuunna nutaaq
2. Najoqqutassat siunnersuut

IMMIKKOORTOQ 05D: 2018-imut missingersuutissatut siunnersuut – Sanarfinermut Avatangiisinullu Ataatsimiititap susassaarfia

Beslutning

Ingerlatsivimmit: Inassuteqaammi akit allattorsimaffii akuerisassanngorlugit ilanngunneqassapput.

Aalajangerneq:

Inassuteqaat akit allattorsimaffii ilanngullugit, akuerineqarput, imatut oqaaseqaatilerlugit:

- 1) Missingersuutitut siunnersuut nr. 86 akuerineqarpoq.
- 2) missingersuutitut siunnersuummi nr. 87-ip ataani imatut oqaaseqaatit ilaneqassasut: B-1000-usinnaanersoq misissorneqassasoq.
- 3) missingersuutitut siunnersuut nr. 88-mi 3. mio kr. aallartitsissutissat pilersaaruteqarfiginissaanut 2019-mut nuunneqarput, sanaartorneqarnissaanut aningaasartuutissat peerneqarlutik.
- 4) missingersuutitut siunnersuut nr. 89 Aningaasaqarnermut Inuussutissaqarnermullu Ataatsimiititap susassaqarfigimassuk ataatsimiititap aalajangiiffiginngilaa, ataatsimiititali Tasiilamiit ilaasortat imannak oqaasertalerpaat timersortarfiup allineqarnissaa atorfissaqartinneqarpoq.
- 5) missingersuutitut siunnersuut nr. 90 akuerineqarpoq.
- 6) missingersuutitut siunnersuutit nr. 91 akuerineqarpoq

Ilanngussat

Muligheder 2018SAI - KAL.pdf

Kopi af Samlet oversigt 2018.xlsx

2018-imut missingersuutissatut siunnersuut – Sanarfinermut Avatangiisinullu Ataatsimiititap susassaqarfia

Aalajangiiffigisassaq

J nr: 06.01.01.2018

Sanarfinermut Avatangiisinullu Ingerlatsivik - pisortaq Mike Kristiansen/MJKR

Suliassamik eqikkaaneq

Kommunimi immikkoortuni tamani suliassanik aaqqiissuteqarnissamut aningaasartuuteqarnissamullu qanoq nalilersueqqinnissap isiginiarnissaanut kommunip aningaasaqarnera suli pissutissiisarpoq - taamatullu aamma immikkoortunut Sanarfinermut Avatangiisinullu Ataatsimiititap susassaqarfiinut atuuppoq. Periarfissat arlaqartut allaffeqarfimmit suussusersineqarput. Periarfissat pineqartut periarfissat allattorsimaffianni katersuutsinneqarsimapput. Periarfissat suut 2018imi suliaralugit naammassineqarusunnersut politikikkut isummersorfigineqassapput.

Inassuteqaatit

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- ilanngussaq 1imi periarfissatut saqqummiunneqartut missingersuutit 2018imi sorliit ilanngunneqassanersut ataatsimiititamit aalajangiiffigineqassasut
- suliaq Aningaasaqarnermut Ataatsimiititami aalajangiiffigisassanngorlugu ingerlateqqinneqassasoq

Suliassamik saqqummiussineq

Kommunimi immikkoortuni tamani suliassanik aaqqiissuteqarnissamut aningaasartuuteqarnissamullu qanoq nalilersueqqinnissap isiginiarnissaanut kommunip aningaasaqarnera suli pissutissiisarpoq - taamatullu aamma immikkoortunut Sanarfinermut Avatangiisinullu Ataatsimiititap susassaqarfiinut atuuppoq. Periarfissat arlaqartut allaffeqarfimmit suussusersineqarput. Periarfissat pineqartut periarfissat allattorsimaffianni katersuutsinneqarsimapput. Periarfissat suut 2018imi suliaralugit naammassineqarusunnersut politikikkut isummersorfigineqassapput.

Aaqqiissutissatut siunnersuut – suliatigut naliliineq.

Qulaaniittut tunngavigalugit ingerlatsivimmit suliassat ingerlatsiviit susassaqarfeqarfiini suliarineqartussat misissuataarneqarput, tassa inatsisitigut pituttugaasut pituttugaanngitsullu eqqarsaatigalugit sipaarniarfissanik ujartuinissaq siunertaralugu.

Tamatuma kingunerisaanik Kommuneqarfik Sermersuup periarfissatut allattorsimaffiatigut siunnersuuteqartoqarpoq:

Nr. Konto Kontop atia

Qinnuteqaatit atia

Nr.	Konto	Kontop atia	Qinnuteqaatit atia
86	11.1.1.	Upalungaarsimaneq	Upalungaarsimanermi qamutininik motoorilinnik pissarsiniarneq
87	11.1.1.	Upalungaarsimaneq	Tasiilami qatserisartoqarfik
88	10.1.9.	Ikuallaavik	Nuummi ikuallaaviup inissaqassusiatigut annertusaaneq kiisalu putsumik minguaanerup annertusineqarnera
89	8.1.2.	Timersorneq	Tasiilaq, Halip allilerneru.
90	7.4.1.	Suliffimmi entreprenør	Ingerlatsinermi sulineruut atatillugu biilnik taarsersuineq
91	10.1.2.	Eqqaaveqarneq	Paamiuni neqitsersuisarfik qalulerivillu

Siunnersuutit ilanngussani sukumiisumik misissuataarneqassapput.

Aningaasaqarnikkut sulisoqarnikkullu naliliinerit

Siunnersuutit tamarmik aningaasaqarnikkut sulisoqarnikkullu kingunerisaanik suussusersiuteqarlutillu nassuiaatitaqarput.

Ingerlariaqqinnissaq

Siunnersuutit akuersissutigineqartut Aningaasaqarnermut Ataatsimiititamut akuersissutigisassanngorlugit Kommuneqarfik Sermersuullu 2018imut missingersuutitut ataatsimoortunut ilanngunneqarnissaannut ingerlateqqinneqassapput.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit naliliineq naapertorlugu, kiffartuussineq suliatigullu pitsaassutsikkut ajorseriaateqartoqartitsisoqanngikkaluarluni periarfissat naammassineqarsinnaasut.

Innuttaasunik peqataatitsineq/attaveqaqatigiinneq

Soqanngilaq.

Ingerlatsivinniit allaniit oqaaseqaatigineqartut

Ingerlatsivinnit allanit oqaaseqaateqartitsisoqanngilaq.

Ilanngussaq

1. Periarfissat allattorsimaffiat SAI
2. Takstblad

IMMIKKOORTOQ 6: Taasariaqartut

Beslutning

Justus Hansen (D): Innuttaasumit saaffiginnissutip akissuteqarfigineqarnissaa apeqquteqarpoq.

Laura Taúnâjik (S): Ataatsimiititap susassaarfii pillugit apeqquteqaateqarpoq. Pikkorissartitsinissarluk kissaatigineqarpoq.

Mala Høy-Kúko (A): Tasiilami Kangerluit pillugit (Attertu) apeqquteqaateqarpoq. Ingerlatsivimmut apeqquteqaateqassasoq innersuunneqarpoq. Kommunalbestyrelsimi siunnersuutip akuerisaareersup qaqugu saqqummiunneqarnissaa apeqqutigineqarpoq, novemberimi saqqummiussisoqarnissaa ilimasaarutigineqarpoq.

Paamiunut angalanissaq novemberip 22-25.-ani angalanissaq ilimasaarutigineqarpoq. Aammalu ataatsimiititap ataatsimiiffissaa allangortinneqassalluni.

IMMIKKOORTOQ 7: Oqaluuserisassat matoqqasut

<p>Ingen punkter</p>

IMMIKKOORTOQ 8: Imaqarniliap akuerinera

Beslutning

Imaqarniliaq nal. 12:59 akuerineqarpoq.